

## CONVENIO DE COLABORACIÓN ENTRE A SECRETARÍA XERAL DA EMIGRACIÓN DA XUNTA DE GALICIA E A SOCIEDADE DE SOCORROS MUTUOS E BENEFICENTE ROSALÍA DE CASTRO DE SANTOS PARA A ATENCIÓN DAS NECESIDADES SOCIO ASISTENCIAIS E SANITARIAS BÁSICAS DA CIDADANÍA GALEGA RESIDENTE EN SANTOS, BRASIL

### MEMORIA XUSTIFICATIVA

O secretario xeral da Emigración da Secretaría Xeral da Emigración, **DECLARA:**

Que esta Secretaría Xeral da Emigración ten previsto formalizar coa Sociedade de Socorros Mutuos e Beneficente Rosalía de Castro de Santos, Brasil, o instrumento convencional arriba referido por un período de vixencia que abrangue dende o día seguinte ao da súa sinatura ata o 25 de outubro de 2023.

Que o instrumento convencional ten por obxecto establecer o marco da colaboración entre as entidades asinantes co fin de contribuír á atención das necesidades socio asistenciais e sanitarias básicas da cidadanía de orixe galega residente en Santos (Brasil), que por razóns de idade ou estado físico careza de autonomía persoal e/ou que se atope en situación de necesidade e non poida afrontar o custo das prestacións que precisa.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar se fundamenta no seguinte:

Na cidade de Santos, Brasil, reside un número importante de persoas de orixe galega, que carecen de mecanismos integrais de cobertura social e sanitaria. Segundo o censo electoral de persoas residentes no estranxeiro, en Brasil residen máis de 44.000 emigrantes de orixe galega. Estes datos confirman a Brasil como o segundo país no continente americano onde máis galegos e galegas residen na actualidade, tras Arxentina.

A Sociedade de Socorros Mutuos e Beneficente Rosalía de Castro de Santos é unha entidade sen ánimo de lucro que agrupa actualmente a máis de cen socios e socias emigrantes galegos. É a principal entidade galega en Santos e está rexistrada como centro colaborador no Rexistro de Comunidades Galegas da Secretaría Xeral da Emigración. Na actualidade esta entidade está a desenvolver un importante labor orientado de xeito altruísta a mellorar a asistencia social e a ampliar a asistencia médica en xeral de persoas maiores de orixe galega en situación de precariedade.

Nas súas instalacións, a entidade xestiona un ambulatorio médico, servizos de



odontoloxía, oftalmoloxía, psicoloxía e, entre outro persoal especializado, dispón dunha traballadora social, ademais de desenvolver actividades sociais, de espaxamento, culturais e recreativas e proporcionar asistencia mutual e de saúde.

A Secretaría Xeral da Emigración considera que esta entidade, única destas características en Santos, é a institución idónea para o outorgamento desta axuda de carácter singular e excepcional, que non se enmarca dentro dunha actuación xeneralizada de axudas para este tipo de actividades, baseándose no disposto no artigo 19.4 c) da Lei 9/2007, do 13 de xuño, de subvencións de Galicia, ao non ser posible promover a concorrência pública, por ser a única entidade galega en Santos que presta este tipo de servizos á comunidade galega.

O interese público de colaboración no desenvolvemento desta actuación fundaméntase en razóns de carácter social e humanitario e radica na pretensión de mellorar a saúde, o benestar social e a calidade de vida das persoas emigrantes de orixe galega residentes en Santos (Brasil) que por razón de idade e/ou circunstancias socio familiares non acceden doutra forma ás prestacións obxecto deste convenio.

A Secretaría Xeral da Emigración achegará un total de doce mil euros (12.000 €) para o financiamento das accións recollidas neste convenio, con cargo á aplicación orzamentaria 04.30.312C.481.0, código de proxecto 2015 00039, dos orzamentos xerais da Comunidade Autónoma de Galicia para o ano 2023.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a sinatura dun contrato dos contemplados no texto da Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

Para que conste, asínase esta memoria en Santiago de Compostela.

O secretario xeral da Emigración

Antonio Rodríguez Miranda

